

PERNYATAAN PENTING UNTUK PERSIDANGAN PEMBAURAN HARI KESYUKURAN 2025

**Apa yang kita perlukan hari ini
ialah visi yang terkini, seketika itu, dan hidup
tentang Kristus syurgawi sebagai bintang hidup.**

**Imanuel praktikal ialah Roh realiti
sebagai hadirat Tuhan Tritunggal yang terkonsumasi dalam roh kita;
hadirat-Nya sentiasa bersama dengan kita dalam roh kita,
bukan hanya hari demi hari, malah saat demi saat.**

**Wahi yang paling jelas tentang Trinitati Divin
terdapat dalam Matius 28:19:
“Oleh itu, pergi dan disipalkanlah semua bangsa,
baptislah mereka ke dalam nama Bapa dan Anak dan Roh Kudus.”**

**Dalam alam semesta terdapat dua prinsip besar—
autoriti Tuhan dan pemberontakan Syaitan;
satu-satunya kontroversi antara Tuhan dengan Syaitan
adalah berkenaan autoriti.**

**Garis Kasar Mesej untuk Persidangan Pembauran Hari Kesyukuran
27-30 November 2025**

**SUBJEK AM:
KRISTUS ALMUHIT YANG DIWAHIKAN DALAM MATIUS**

Mesej Satu

**Visi yang Terkini, Seketika Itu, dan Hidup
tentang Kristus Syurgawi sebagai Bintang Hidup**

Bacaan Bible: Mat. 2:1-12; Bil. 24:17; Kej. 1:14-19; Dan. 12:3;
Wahi 1:16, 20; 2:1, 28; 3:1; 22:16; 2 Ptr. 1:19; Kej. 22:17; Yud. 12-13

- I. **Selepas Yesus dilahirkan di Betlehem, ahli majus dari timur tiba di Yerusalem, berkata, “Di manakah Dia yang telah dilahirkan sebagai Raja orang Yahudi? Kerana kami nampak bintang-Nya ketika terbit dan datang menyembah-Nya” (Mat. 2:2); ini merupakan penggenapan bagi Bilangan 24:17 yang berkata, “Akan keluarnya Bintang daripada Yakub”; Bintang ini merujuk kepada Kristus:**
 - A. Ahli majus bukan berkata, “Kami nampak *suatu* bintang”, atau “Kami nampak bintang *itu*”, tetapi “Kami nampak bintang-Nya”; Bintang itu ialah Kristus syurgawi.
 - B. Bintang yang dibicarakan dalam Matius 2:2 ditunjukkan kepada orang yang terpelajar ini; bintang itu tidak muncul kepada mana-mana orang Israel; walaupun orang Yahudi mempunyai Kitab berkenaan Kristus dan mengetahui di mana Dia akan dilahirkan (ay. 4-6), namun ahli majus nampak bintang Kristus.
 - C. Orang Yahudi mempunyai pengetahuan dalam huruf berkenaan tempat Kristus akan dilahirkan (Mi. 5:2), tetapi orang yang terpelajar dari timur ini menerima visi yang hidup tentang-Nya; akhirnya, bintang itu membawa mereka ke tempat Kristus berada (Mat. 2:1-12).
 - D. Kristus ialah Suria sebenar (Mal. 4:2), namun secara tegasnya Dia tidak muncul sebagai suria pada zaman yang merupakan waktu malam; sebaliknya, Dia bersinar sebagai bintang (Wahi 2:28); bintang bersinar pada waktu malam, tetapi juga menandakan bahawa hari siang akan tiba (Roma 13:11-14).
 - E. Semasa Kristus datang buat kali pertama, Dia muncul secara terbuka sebagai bintang, tetapi apabila Dia datang buat kali kedua, Dia merupakan bintang fajar (Wahi 2:28; 22:16) kepada pejayeng-Nya yang menantikan kedatangan-Nya; kepada semua yang lain pula, Dia akan muncul kemudian sebagai suria (Mal. 4:2; bd. Mat. 13:43).
- II. **Matius 2:1-12 mewahikan bahawa mencari Kristus merupakan perkara yang hidup; ini bukan sekadar pengetahuan doktrin berkenaan Bible:**
 - A. Bintang itu muncul di tempat yang jauh dari bait di Tanah Kudus, jauh dari pusat agama Yahudi, jauh daripada hentar, katib, orang Farisi, dan semua orang yang agamawi; sebaliknya, munculnya bintang yang menunjukkan sesuatu tentang Kristus di tanah bangsa asing.
 - B. Sekadar memegang Bible di tangan kita dan membaca Mikha 5:2 yang mengatakan bahawa Kristus akan dilahirkan di Betlehem adalah tidak berkesan; kita mungkin mempunyai Bible, tetapi kita mungkin kehilangan bintang syurgawi.
 - C. Bintang itu ialah wahi yang hidup, visi yang hidup, bukan pengetahuan doktrin yang lama dan mati tentang Kitab, bukan pengetahuan yang mati tentang Mikha 5:2; apa yang kita perlukan hari ini bukan sekadar pengetahuan Bible tetapi visi syurgawi, visi yang terkini, seketika itu, visi yang hidup, visi yang tidak dapat diajar oleh konsep manusia.
 - D. Sekalipun kita mempunyai pengetahuan Kitab, kita masih memerlukan bintang

hidup yang seketika itu dan terkini, untuk memimpin kita betul-betul ke jalan dan rumah tempat Yesus berada.

- E. Selepas menerima visi hidup itu, ahli majus tersimpang oleh konsep insani mereka lalu pergi ke Yerusalem, yakni ibu kota bangsa Yahudi, dengan anggapan bahawa raja orang Yahudi berada di situ; penyimpangan mereka telah mengakibatkan banyak budak lelaki dibunuh—Mat. 2:16.
- F. Apabila mereka tiba di Yerusalem dan bertanya tentang tempat Raja orang Yahudi akan dilahirkan, Bible mengatakan bahawa “apabila mendengar hal ini, Raja Herodes terganggu, dan seluruh Yerusalem turut bersama dengannya”—ay. 3:
 - 1. Apabila mereka mendengar khabar ini, mereka seharusnya bergirang; sebaliknya, mereka terganggu; ini sudah tentu disebabkan mereka bukan benar-benar mencari Penyelamat—bd. Ams. 4:23.
 - 2. Jika seseorang percaya kepada Tuan tetapi dia tidak dipengaruhi oleh Tuan yang merupakan kasih dalam emosi dalamannya, maka dia tidak layak digelar sebagai orang Kristian—2 Tim. 4:8; Mrk. 12:30; 1 Kor. 2:9.
 - 3. Orang Kristian yang mengharapkan kedatangan Tuan atau yang berharap dapat diraptur harus mengambil hal ini sebagai amaran—2 Tim. 4:8; Tit. 2:13; Wahi 2:28; 22:20; Mat. 24:40-44; 25:8-13.
- G. Setelah ahli majus dibetulkan oleh Kitab (2:4-6), mereka pergi ke Betlehem (ay. 8-9), dan bintang itu muncul kepada mereka sekali lagi dan membawa mereka ke tempat Kristus berada, dan “apabila melihat bintang itu, mereka pun girang dengan kerianan besar” (ay. 10):
 - 1. Setelah ahli majus dibetulkan oleh Kitab dan kembali ke jalan yang betul, bintang itu muncul kepada mereka sekali lagi; visi yang hidup sentiasa seiring dengan Kitab.
 - 2. Hentar ialah orang yang mengajarkan hukum (Mal. 2:7) kepada umat, dan katib ialah orang yang mengetahui Kitab (Ezra 7:6); hentar dan katib mempunyai pengetahuan tentang kelahiran Kristus (Mat. 2:5-6), tetapi mereka tidak melihat visi dan tidak mempunyai hati untuk mencari Kristus seperti ahli majus dari timur.
 - 3. Tidak kira betapa banyaknya kita adalah “menurut Kitab”, jika kita kehilangan hadirat Tuan, kita sama sekali salah; cara Wasiat Baru untuk mencari dan mengikut Tuan ialah terus-menerus berada dalam hadirat-Nya yang tersembunyi—Yoh. 5:39-40; Yes. 45:15; Kel. 33:11, 14; bd. 2 Kor. 5:16.
 - 4. Memang mudah untuk mengumpulkan pengetahuan Kitab, namun jika kita ingin beroleh bimbingan yang hidup, kita harus hidup dalam hubungan yang intim dengan Tuan; kita harus bersatu dengan-Nya—Mat. 2:10-14.
 - 5. Ahli majus melihat Kristus lalu mereka menyembah-Nya; kemudian mereka diperingatkan Tuhan dalam mimpi agar jangan kembali kepada Herodes, maka mereka beredar ke negeri sendiri “melalui jalan lain” (ay. 12); sebaik sahaja kita melihat Kristus, kita pasti tidak akan mengambil jalan yang sama, iaitu jalan keagamaan yang tidak ada Kristus, tetapi kita akan sentiasa mengambil jalan lain.

III. Pengikut Kristus yang setia ialah bintang-bintang yang bersinar dan hidup, iaitu orang yang mengikut Kristus sebagai bintang yang bersinar dan hidup itu untuk menjadi duplikasi-Nya—Dan. 12:3; bd. Kej. 22:17:

- A. Bintang-bintang hidup mengikut visi Kristus yang syurgawi, hidup, terkini, dan seketika itu, yang merupakan sentraliti dan universaliti ekonomi Tuhan—Kis. 26:16-18; Kol. 1:17b, 18b.
- B. Bintang-bintang hidup ialah orang yang memberkati umat Tuhan; semakin kita memuji Tuan atas umat Tuhan dan membicarakan hal-hal yang baik tentang mereka dalam iktikad, semakin kita meletakkan diri kita di bawah berkat Tuhan—Bil. 24:9; Kej. 12:2-3; 22:17.

- C. Bintang-bintang hidup memberi perhatian kepada kata penyabda dalam Kitab “seperti kepada pelita yang bersinar di tempat gelap” supaya Kristus yang merupakan bintang fajar akan terbit dalam hati mereka hari demi hari; jika kita memberi perhatian kepada sabda dalam Bible, Dia akan terbit dalam hati kita untuk bersinar dalam kegelapan kemurtadan di tempat kita berada hari ini, sebelum penampilan-Nya yang sebenar sebagai bintang fajar—2 Ptr. 1:19; Yoh. 6:63; Wahi 2:28; 22:16; 2 Tim. 4:8:
1. Menurut prinsip bintang fajar, seorang Kristian harus bangun awal kerana awal pagi merupakan masa terbaik untuk bertemu dengan Tuan (untuk berse-kutu dengan Tuhan, memuji dan menyanyi, mendoa-baca Bible disertai sabda ministri, dan berdoa kepada Tuan)—Kid. 7:12; Mzm. 5:1-3; 57:8-9; 59:16-17; 63:1-8; 90:14; 92:1-2; 108:2-3; 143:8; Kel. 16:21.
 2. Tuan akan memberi diri-Nya sebagai bintang fajar secara tersembunyi ke-pada orang yang mengasihi-Nya dan yang berjaga-jaga serta menantikan-Nya supaya mereka dapat mengecap kesegaran hadirat-Nya ketika Dia kembali selepas ketiadaan-Nya yang sekian lama—1 Tes. 5:6; Wahi 2:28; 3:2-3; 16:15.
- D. Bintang-bintang hidup menikmati dan dipenuhi Roh yang diperhebat tujuh kali ganda untuk menjadikan mereka amat hidup dan bersinar dengan amat terang demi pembinaan Tuhan—3:1; 4:5; 5:6.
- E. Bintang-bintang hidup ialah utusan gereja-gereja, iaitu orang yang menikmati dan mengalami Kristus pneumatik sebagai Utusan Tuhan dan sebagai mesej segar daripada Tuhan supaya mereka dapat mendispenkan Kristus yang segar dan terkini ke dalam umat Tuhan demi kesaksian Yesus—1:16, 20; 2:1; Mal. 3:1-3.
- F. Bintang-bintang hidup mempunyai “hati yang berkeazaman besar” dan “hati yang mencari ikhtiar besar”; mereka ialah pencinta Tuhan yang seperti “bintang-bintang...dari laluannya” untuk berperang bersama dengan Tuhan menentang musuh-Nya supaya mereka dapat menjadi “seperti matahari / Apabila matahari terbit dalam keperkasaannya” dan menjadi orang yang “bersinar seperti matahari dalam kingdom Bapa mereka”—Hak. 5:15-16, 20, 31; Dan. 11:32; Mat. 13:43.
- G. Bintang-bintang hidup ialah orang yang bertakwa kepada Yehova dan mendengar suara hamba-Nya, menaruh keyakinan kepada Yehova supaya mereka beroleh cahaya ketika berjalan dalam kegelapan—Yes. 50:10-11; Mzm. 139:7-12, 23-24:
1. Orang yang membuat cahaya untuk diri sendiri dan berjalan dalam cahaya buatan sendiri dan bukannya dalam cahaya Tuhan akan menderitai seksaan—Yes. 50:11.
 2. Ini seharusnya menjadi amaran kepada kita agar kita berjalan dalam cahaya yang diberi Tuhan, bukan dalam cahaya yang kita buat untuk diri sendiri; “Marilah kita berjalan dalam cahaya Yehova”—2:5.
- H. Bintang-bintang hidup ditamsilkan oleh bintang yang didirikan pada hari ke-empat dalam restorasi Tuhan berserta penciptaan-Nya yang selanjutnya; di sini bintang-bintang memerintah melalui penyinaran; di mana ada penyinaran, di situlah pemerintahan demi pertumbuhan hayat—Kej. 1:14-19:
1. Penyinaran Tuan Yesus di Gunung Transfigurasi ialah kedatangan kingdom dalam kudrat; penyinaran ini sebenarnya ialah hadirat pemerintahan Tuhan Tritunggal—Mat. 17:1-8; Mrk. 9:1-8.
 2. Kingdom Tuhan, yang merupakan pemerintahan Tuhan, yakni pemerajaan Tuhan, berserta segala berkat dan kenikmatannya, ialah penyinaran Tuan Yesus dan penyebaran Tuan Yesus dengan menyinari kita.
 3. Kingdom ialah penyinaran realiti Tuan Yesus; setiap kali Dia menyinari kita dan kita berada di bawah penyinaran, kita berada dalam kingdom di bawah pemerintahan dan pemerajaan Tuhan dalam kita untuk pertumbuhan hayat kita.

- I. Dari segi negatif, terdapatnya orang yang merupakan “bintang yang mengembara”—Yud. 12-13:
1. Metafora tentang bintang yang mengembara menunjukkan bahawa pengajar-pengajar yang tidak menentu, orang yang murtad, tidak dimantapkan dengan kukuh dalam kebenaran-kebenaran wahi syurgawi yang tidak berubah, sebaliknya mereka mengembara dalam kalangan umat Tuhan yang seperti bintang.
 2. Orang yang murtad yang tidak menentu itu ialah bintang yang mengembara hari ini, tetapi akhirnya mereka akan dipenjarakan dalam kekelaman yang gelap, yang disimpan untuk mereka hingga keabadian.
 3. Sesiapa yang tidak mengajar bahawa gereja-gereja lokal bukan matlamat ekonomi Tuhan tetapi prosedur untuk mencapai matlamat realiti Tubuh Kristus, tidak sepadan dengan keperluan ministri Tuhan pada zaman sekarang; sesiapa yang menghalang kita daripada pembauran gereja-gereja demi realiti Tubuh Kristus merupakan bintang yang mengembara; bintang-bintang yang benar ialah orang yang memalingkan banyak orang kepada keadilanbenaran, orang yang tidak menyesatkan orang tetapi memalingkan mereka ke jalan yang betul.
 4. Hari ini Bintang hidup itu dan bintang-bintang hidup tidak jauh dari kita—mereka berada dalam dan bersama dengan gereja-gereja lokal sebagai ekspresi Tubuh Kristus yang praktikal (Wahi 1:11, 20); dalam kalangan gereja lokal terdapat sebilangan bintang hidup; kita hanya perlu menghubungi mereka dan bergaul dengan mereka; mereka akan memimpin kita ke tempat Yesus berada.
- J. Semoga Tuan merahmati kita agar kita sentiasa dipelihara di jalan yang betul untuk bertemu dengan Tuan, menyembah-Nya, dan mempersembahkan kasih kita kepada-Nya; semoga Tuan menjadikan kita semua seperti ahli majus, yang mengikut bintang hidup untuk mencari dan menemukan sesuatu yang baru berkenaan Kristus agar kita menjadi duplikasi-Nya sebagai bintang-bintang hidup—bd. Ef. 5:8-9; Yer. 15:16a.